




# Plata dla Ploania Antermëia Sant'Antone Abat

UNITÉ PASTORALA



**VAL BADIA**  
www.unitepastorala.org

Ploan: **siur Paul Campej**  
E-mail: **campei.paul@rolmail.net**


Calonia: **0474/520012**  
Siur Paul: **380 7345533**

---

**Ann C      08.09.2019 - 15.09.2019 - 23. domënia ia por l'ann      n. 41**


---

## Ponsé danfora

 **Sap 9, 13–19 | Fil 9b–10.12–17 | Lc 14, 25–33**

### Dal Vangele do San Lūca:

Te chël tēmp <sup>25</sup> canche n gröm de jënt acompagnâ Gejù, s'âl ôt pormez a d'ëra <sup>26</sup> y ti à dit: Sc'al n'é un che vëgn da mè y ne desprijëia nia pere y uma, fomena y mituns, fredesc y sorus, y cïnamai sūa vita, ne sciâfiel nia da ester mi discepul. <sup>27</sup> Chël che ne porta nia sūa crusc y ne me vëgn nia do, ne sciafia nia da ester mi discepul. <sup>28</sup> Sce un de os ô fâ sö na tor, ne se sëntel nia jö impröma y fej do i cunc, por odëi sce sü mesi arjunj por so plann? <sup>29</sup> Zënza podéssera sozede, ch'al fajess la fondamënta, mo ch'al ne sciafiass nia spo da rové le fabricat. Y düc chi che l'odess, le coienass <sup>30</sup> y dijess: Chësc chilò à metü man da fâ na tor y n'à nia sciafié da la rové. <sup>31</sup> O sce n re va a fâ vera cuntra n ater, ne se sëntel nia jö denant y pënsa sura, sc'al po, cun sü diescmile omi, jì cuntra chël che vëgn decuntra cun vintmille? <sup>32</sup> Sc'al ne po nia, spo ortiëiel sü anunziadus adora assà cina che l'ater é cïamò dalunc y prëia do pêsc. <sup>33</sup> Porchël ne po degun de os ester mi discepul, sc'al ne renunziëia nia a döt so avëi.



*Signur, tö es iüst y tües  
sentënzes é dërtes. Trata to  
fant do tüa tlemënza.*

 **Letöres dla 24. domënia ia por l'ann:  
Es 32, 7–11, 13–14 | 1 Tim 1, 12–17 | Lc 15, 1–32**

**Edema liturgica dai 08.09. ai 15.09.2019**

<b>2019</b>	<b>Ora</b>	<b>Mëssa</b>
<b>23<sup>a</sup> DOMENIA 08.09</b> <b>DL ANN</b> <i>s. Maria de setëMBER</i> <i>oferta por l'Vinzentinum</i>	<b>9.30</b> <b>10.00</b>	<b>Corona</b> <b>Gran Mëssa por la comunité</b> families Winkler, Frapes + Franco Milone
<b>LÖNESC 09.09</b>	<b>7.25</b>	<b>s. Mëssa</b> + Teresa Ferdigg
<b>MERTESC 10.09</b> <i>Dé dla consacraziun di</i> <i>doms Porsenu y Balsan</i>		
<b>MERCUI 11.09</b>	<b>7.25</b>	<b>s. Mëssa di scolari</b> ++ Albino y Vittoria Turnaretscher
<b>JÖBIA 12.09</b> <i>Sant inom de Maria</i>		
<b>VENDRES 13.09</b> <i>s. Chrysostomus</i> <i>s. Notburga</i>	<b>7.25</b>	<b>s. Mëssa</b> + Maria Mellauner
<b>SABEDA 14.09</b> <i>esaltaziun dla Crusc</i>	<b>18.30</b>	<b>s. Mëssa prefestia</b> + Rudi Kircher + Caterina y Zelestin Alfarei
<b>24<sup>a</sup> DOMENIA 15.09</b> <b>DL ANN</b> <i>oferta por la dljia</i>	<b>9.30</b> <b>10.00</b>	<b>Corona</b> <b>Gran Mëssa por la comunité</b> a onur de s. Antone aniv. + Carlo Rubatscher + Lois Prousch + Tio Clara



## Informaziuns y terminns

L'Uniun dl sport diletantistich da San Martin organisëia n curs de Power Training cun Marta Willeit, che mët man en mertesc ai 17 de setëmbër 2019 pur 10 iadi. Le curs vëgn tigní tres de mertesc dales 20.00 ales 21.15 tla palestra da San Martin de Tor. Le cost é de 60,00 € + cherta d'iscriziun ala Uniun dl sport. Le pröm iade él debann. Infos y prenotaziuns le pröm dé te palestra o pro Marta al 339/7384558.

"L'Uniun Maestri Ladins adöm al'Unité Pastoral Val Badia inviëia dër bel düc a n domisde de spiritualité, cultura y aorela cörta en vëndres, ai 20 de setëmbër. I s'incuntun dales 15.00 h dan la dljia da La Val por jí tres le tru de meditaziun cina sö Santa Berbora olache al sará na picia reflesciun sön les "Beatitudini" cun Christian Ferdigg. Dedô junse a Ciablun por na picia aorela cörta cun panicia, tutres y cajinci. Le cost è de 15,00Euro. Präibel se prenoté cina ai 15 de setëmbër pro Inge al nr 339 1696311"

Udiënza dla defensuria zivica G. Morandell o de süa colaboradëssa Verena Crazzolara, n vëndres ai 13 de setëmbër 2019, dales 14:30 – 16:00, a San Martin Ciasa de Comun. Informaziun y prenotaziun al tel.0471946020

Le Museum Ladin Ciastel de Tor invëia dër bel ala daurida dla mostra „Trienala Ladina 2019“ ai 20 de setëmbër 2019 dales 19 tla sënta a San Martin. Tla mostra él da odëi operes di artisc Annatina Dermont, Yvonne Gienal, Karin Schmuck, Claus Soraperra, Tobias Tavella y Michael Schrattenthaler.

La mostra restará daverta ti orars de daurida dl museum fina ai 24.05.2020

L'asoziazion turistica da San Martin de Tor chir na secreteria te ufize part time. Por deplü informaziuns: [direzione@sanvigilio.com](mailto:direzione@sanvigilio.com) | (+39) 0474 501 037

La doturia Grete Mahlknecht é demez ai 16 y 17 (lönesc y dedolönesc) de setëmbër y vëgn sotituida dal dotur Letterio Taormina 340 32 28 655

Curs de ladin por chi che le sá bele n püch, vigni lönesc dai 30 de setëmbër ai 25 de novëmbër dales 19.30 - 21.00 tl Istitut Ladin. Info y prenotaziuns [formaziun.vb@micura.it](mailto:formaziun.vb@micura.it) - 0474 523 110.

Le Consëi de Formaziun d'Al Plan y la Biblioteca Angelo Trebo inviëia a na incuntada cun Georg Pircher, funzionar dl Provinzia, sön l'importanza da despartí le refodam tla vita da vigni de. I s'aspetun en dedolönesc, ai 10 de setëmbër, dales 20.00 tla biblioteca a Al Plan.

# Zuspruch

## AM SONNTAG

### 23. Sonntag im Jahreskreis C

Liebe junge Menschen, habt keine Angst, endgültige Entscheidungen im Leben zu treffen. Habt Vertrauen, der Herr lässt euch nicht allein!




*Papst Franziskus*



*Nächstenliebe heißt:  
Einander zu halten und  
so Gemeinschaft zu werden.*



<b>Messes a Rina:</b>	Dom 8.30 Dedol 19.30 Jöb 7.25 Sab 19.30 Dom 8.30
<b>Messes a San Martin:</b>	Dom 9.30 Dedol 19.30 Jöb 7.30 Sab 18.30 Dom 9.30

	09.09 - 14.09.2019	Karol - Thomas
	15.09.2019	Joel - Nicol - Sara - Ilary
	14.09.2019	Verena Winkler
	15.09.2019	Iaco Ellecosta
	Les mius aodanzas por le compliagn ti fajunse a Craffonara Theresia (75). Döt le bun.	